



KEMENTERIAN PERDAGANGAN DALAM NEGERI
DAN KOS SARA HIDUP



BERITA

24 JAM

KPDN

KERATAN AKHBAR & BERITA ONLINE

Untuk makluman:

- | | |
|-----------------------|---------------------|
| ● YB Menteri | ● YBhg. TKSU (PPDN) |
| ● YB Timbalan Menteri | ● YBhg. TKSU (PP) |
| ● YBhg. KSU | ● Setiausaha Akhbar |

Tarikh: 14 Februari 2024



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

KPDN



UNIT KOMUNIKASI KORPORAT

KPDN tak kawal harga motosikal di pasaran

Kuala Lumpur: Kementerian Perdagangan Dalam Negeri Dan Kos Sara Hidup (KPDN) hanya boleh melaksanakan tindakan penguatkuasaan terhadap premis motosikal yang memanipulasi pembeli.

Ketua Pengarah Penguatkuasa-nya, Datuk Azman Adam, berkata KPDN tidak mengawal harga motosikal di pasaran kerana ia adalah pasaran terbuka yang ditentukan model perniagaan.

Katanya, ia juga bergantung kepada keadaan pasaran semasa dengan harga berbeza mengikut lokasi.

Atas dasar itu, Azman berkata,

KPDN meningkatkan aspek penguatkuasaan dengan mengambil tindakan terhadap 79 kes kesalahan dilakukan premis menjual motosikal dalam tempoh dua tahun hingga Disember 2023 lalu.

"Semua kesalahan itu diambil tindakan mengikut Akta Sewa Beli 1967 antaranya kesalahan berhubung pernyataan palsu oleh peniaga.

"Tindakan turut diambil mem-babitkan kegagalan mengemuka-kan pernyataan bertulis yang lengkap dan ditandatangani kepada bakal penyewa dan menan-datangani borang perjanjian

yang tidak lengkap.

"Ada juga premis dikesan gagal menyerahkan salinan dokumen perjanjian dalam tempoh 21 hari dari tarikh perjanjian sewa beli ditandatangani dan tidak mengu-tip deposit minimum 10 peratus daripada harga barangan," ka-tanya kepada *BH*, di sini.

BH sebelum ini melaporkan ramai anak muda berusia seawal 19 tahun dikesan menjadi 'ham-ba' hutang dengan kebanyakan mula terbeban apabila me-lakukan pembiayaan motosikal melalui agensi kredit.

Susulan itu, Persatuan Peng-guna Islam Malaysia (PPIM)

menggesa kemudahan pinjaman kewangan di negara ini dikawal dan tidak diberikan secara mu-dah dengan mengenakan syarat yang ringan.

Azman berkata, KPDN mene-rima 24 aduan berkaitan isu pem-belian motosikal sejak 2021 hing-ga tahun lalu.

Katanya, tindakan penguat-kuasaan diambil melalui Pera-turan-Peraturan Kawalan Harga dan Antipencatutan (mekanis-me untuk menentukan keuntu-ngan tinggi yang tidak muna-sabah) 2018 mengikut Akta Kawalan Harga dan Antipenca-tutan 2011.

Dua pengarah Emraz Travel mengaku tak bersalah

KOTA BHARU: Dua pengarah Emraz Travel & Tours Sdn. Bhd. (Emraz Travel) mengaku tidak bersalah di Mahkamah Majistret di sini, semalam, atas 51 pertuduhan gagal mematuhi perintah award Tribunal Tuntutan Pengguna Malaysia (TTPM) membayar balik tuntutan wang berjumlah RM503,221 kepada 17 mangsa.

Tertuduh Datuk Zulkarnain Endut, 43, dan Datin Mazuin Mustafa, 43, iaitu pasangan suami isteri yang juga kedua-dua pengarah syarikat berkenaan mengaku tidak bersalah dan mohon dibicarakan selepas pertuduhan dibaca di hadapan Majistret Ahmad Shafiq Aizat Nazri.

Mengikut pertuduhan, Emraz Travel sebagai sebuah syarikat dengan Zulkarnain dan Mazuin, selaku orang kena saman (OKS) berdepan 51 pertuduhan kerana gagal mematuhi award TTPM.

Kedua-dua OKS didakwa mengikut Seksyen 117(1) Akta Perlindungan Pengguna 1999 yang memperuntukkan hukuman denda maksimum RM10,000 atau penjara maksimum dua tahun jika sabit kesalahan.

Kesalahan berkenaan didakwa dilakukan di pejabat TTPM Kota Bharu di sini sejak April hingga September 2023.

Timbalan Pendakwa Raya Kementerian Perdagangan Dalam Negeri dan Kos Sara Hidup

(KPDN) yang diketuai Mohd. Sophian Zakaria, Suhana Mohd dan Shafiq Mahadi memohon jaminan terhadap setiap OKS adalah sebanyak RM102,000 dengan seorang penjamin.

Katanya, kesemua OKS juga perlu melapor diri setiap bulan di KPDN Putrajaya bagi memastikan OKS hadir ke mahkamah.

“Untuk makluman pihak mahkamah, OKS sebelum ini sudah didakwa di Mahkamah Putrajaya melibatkan 61 pertuduhan dan hari ini pula 51 pertuduhan membabitkan nilai RM503,221 di Kelantan.

“Kes ini membabitkan 17 mangsa di Kelantan di mana bakal jemaah umrah ini ter-

paksa menabung untuk menaikkan umrah dan mereka mula membuat pembayaran bermula Februari tahun lalu dan mangsa sepatutnya berlepas menunaikan umrah pada Mac 2023.

“OKS sehingga kini tiada usaha untuk menjejaskan bayaran kepada mangsa dan saya merasakan jaminan yang ditawarkan adalah bersesuaian memandangkan OKS sangat culas, untuk hadir ke mahkamah” katanya.

Bagaimanapun, peguam mewakili ketiga-tiga OKS, Datuk Hanif Hassan, memohon jaminan dikurangkan memandangkan jumlah ditawarkan sebanyak RM102,000 bagi setiap OKS adalah sangat tinggi.



ZULKARNAIN (kiri) dan peguamnya, Hanif semasa tiba untuk prosiding pendakwaan di Mahkamah Majistret Kota Bharu semalam. - KAMARUL BISMIL KAMARUZAMAN

Dua Pengarah Emraz Travel hadapi 51 pertuduhan **Didakwa gagal patuh award TTPM**

Oleh ROSALWANI CHE SOH

KOTA BHARU - Dua pengarah syarikat pengendali pakej umrah Emraz Travel & Tours Sdn. Bhd. (Emraz Travel) didakwa di Mahkamah Majistret di sini semalam atas 51 pertuduhan gagal mematuhi perintah award Tribunal Tuntutan Pengguna Malaysia (TTPM) membayar balik tuntutan wang 17 individu berjumlah RM503,221 tahun lalu.

Datuk Zulkarnain Endut, 43, dan isterinya, Datin Mazuiz Mustafa, 43, mengaku tidak bersalah selepas pertuduhan terhadap mereka dibacakan di hadapan Majistret Ahmad Shafiq Alizat Nazri.

Mengikut pertuduhan pertama hingga ke-51, Emraz Travel, Zulkarnain dan Mazuiz didapati gagal mematuhi award TTPM yang memerintahkan supaya membayar RM503,221 kepada 17 individu yang merupakan pihak yang menuntut.

Kesalahan itu dilakukan di Pejabat TTPM Kota Bharu di sini antara April hingga September 2023.

Kedua-dua tertuduh syarikat mereka didakwa mengikut Seksyen 117(1) Akta Perlindungan Pengguna 1999 yang memperuntukkan hukuman denda maksimum RM10,000 atau penjara maksimum dua tahun jika sabit kesalahan.

Pendakwaan dikendalikan oleh Timbalan Pendakwa Raya Kementerian Perdagangan Dalam Negeri dan Kos Sara Hidup (KPDN) yang diketuai Mohd. So-

phian Zakaria, Suhana Mohd. dan Shafiq Mahadi, manakala tertuduh diwakili Datuk Hanif Hassan.

Terdahulu, Mohd. Sophian memohon ikat jamin sebanyak RM102,000 dengan seorang penjamin untuk tertuduh dengan syarat tambahan iaitu pasangan suami itu perlu melaporkan diri setiap bulan ke KPDN Putrajaya bagi memastikan mereka hadir ke mahkamah.

"Mereka sebelum ini sudah didakwa di Mahkamah Putrajaya melibatkan 61 pertuduhan.

"Hari ini (semalam) mereka didakwa 51 pertuduhan membatalkan nilai RM503,221 di Kelantan.

"Kes ini melibatkan seramai 17 mangsa di Kelantan. Sakal jemaah yang terlibat sudah menabung untuk menunaikan umrah dan mereka mula membuat pembayaran bermula Februari tahun lalu. Mangsa sepatutnya berlepas ke Tanah Suci untuk menunaikan ibadah umrah pada Mac 2023," katanya.

Mahkamah kemudian menetapkan jaminan sebanyak RM10,200 secara global bagi tertuduh, selain menetapkan syarat iaitu mereka perlu hadir melaporkan diri di pejabat KPDN Putrajaya setiap bulan.

Mahkamah turut menetapkan 11 Mac ini untuk sebutan semula kes dan serahan dokumen.

Kedua-dua tertuduh membayar jaminan yang ditetapkan oleh mahkamah.

Kosmo! sebelum ini melaporkan, prosiding pendakwaan



KERATAN Kosmo! 23 Januari 2024.

dua pengarah Emraz Travel yang sepatutnya didakwa di Mahkamah Majistret di sini pada 22 Januari lalu atas 51 pertuduhan kes penipuan pakej umrah melibatkan kerugian RM503,221 ditangguh ke 13 Februari.

Peguam pasangan tersebut, Ahmad Nizam Mohamed memaklumkan kepada mahkamah, Zulkarnain dan Mazuiz mempunyai sivil sakit yang sah untuk mereka tidak hadir ke mahkamah.

Terdahulu, pasangan suami isteri itu didakwa Mahkamah Majistret Putrajaya pada 15 Januari lalu atas 63 pertuduhan gagal mematuhi perintah award TTPM membayar balik tuntutan wang berjumlah RM589,031 kepada 21 mangsa, tahun lalu.

Pada 23 November tahun lalu, media melaporkan Polis Diraja Malaysia (PDRM) mendapati syarikat itu menggunakan duit jemaah kumpulan kedua dan ketiga bagi menampung kos jemaah umrah kumpulan pertama.

Tindakan itu dipercayai antara punca berlakunya kegagalan beberapa jemaah yang menggunakan khidmat syarikat itu untuk ke tanah suci sehingga membawa beberapa siri laporan polis dalam kalangan mangsa.



ZUKARNAIN

Kena 51 lagi pertuduhan

Pasangan pengarah syarikat umrah didakwa gagal bayar balik tuntutan RM503,221 kepada 17 mangsa

Oleh Nor Fazlina Abdul Rahim
am@hmetro.com.my

Kota Bharu

Pasangan suami isteri yang juga pengarah syarikat pengendali pakej umrah didakwa di Mahkamah Majistret di sini, semalam atas 51 pertuduhan gagal mematuhi 'award' Tribunal Tuntutan Pengguna Malaysia (TTPM) supaya membayar balik tuntutan wang berjumlah RM503,221 kepada 17 mangsa.

Pasangan itu, Datuk Zukarnain Endut, 43, Datin Mazuin Mustafa, 43, dan syarikat mereka, Emraz Travel & Tours Sdn Bhd selaku orang kena saman (OKS) didakwa melakukan kesalahan.

itu di pejabat TTPM Kota Bharu di sini, antara April hingga September tahun lalu.

Semua OKS didakwa mengikut Seksyen 117(1) Akta Perlindungan Pengguna 1999 yang memperuntukkan hukuman denda maksimum RM10,000 atau penjara maksimum dua tahun jika sabit kesalahan.

Timbalan Pendakwa Raya Kementerian Perdagangan Dalam Negeri dan Kos Sara Hidup (KPDN) yang diketuai Mohd Sophian Zakaria, Suhana Mohd dan Shafiq Mahadi memohon jaminan dikenakan terhadap setiap OKS sebanyak RM102,000 dengan seorang penjamin.

Katanya, semua OKS juga perlu melaporkan diri setiap bulan di KPDN Putrajaya bagi memastikan OKS hadir ke

mahkamah.

"Untuk makluman pihak mahkamah, OKS sebelum ini didakwa di Mahkamah Putrajaya atas 63 pertuduhan dan hari ini (semalam) 51 pertuduhan membabitkan nilai RM503,221 di Kelantan.

"Kes ini membabitkan 17 mangsa di Kelantan apabila bakal jemaah umrah ini perlu menabung untuk menunaikan ibadah umrah.

"Bakal jemaah membuat pembayaran bermula Februari tahun lalu dan mangsa sepatutnya berlepas menunaikan ibadah umrah Mac tahun lalu.

"Sehingga kini, tiada usaha dibuat OKS untuk menjejaskan bayaran kepada mangsa dan saya berasakan jaminan ditawarkan bersesuaian memandangkan OKS sangat malas," katanya.

Bagaimanapun, peguam yang mewakili ketiga-tiga OKS Datuk Hanif Hassan memohon jaminan dikurangkan memandangkan jumlah RM102,000 bagi setiap OKS sangat tinggi.

"Untuk makluman, anak guam saya tidak lagi menjalankan operasi perniagaan dan lesen perniagaan juga ditamatkan.

"Mereka tiada hasil pendapatan untuk meneruskan hidup," katanya.

Mahkamah menetapkan jaminan RM10,200 secara global (semua OKS) dan mereka perlu hadir untuk lapor diri setiap bulan di pejabat KPDN Putrajaya.

Mahkamah menetapkan sebutan semula kes pada 11 Mac depan untuk serahan dokumen.

Pada 15 Januari lalu, pasangan sama mengaku tidak bersalah terhadap 63 pertuduhan kerana gagal mematuhi perintah TTPM berjumlah RM589,031 tahun lalu.



OKS sebelum ini didakwa di Mahkamah Putrajaya atas 63 pertuduhan



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

UMUM



UNIT KOMUNIKASI KORPORAT

Harga beras tidak naik sejak 18 tahun

Oleh MOHD. HAFIZ
ABD. MUTALIB

hafiz.mutalib@mediamula.com.my

KANGAR: Langkah menye-
laraskan harga beras tempa-
tan dan import dengan
harga RM30 hingga RM33
setiap 10 kilogram (kg) bakal
membendung isu penipuan
dan manipulasi sekali gus
menyelesaikan masalah
bekalan makanan ruji terse-
but.

Kenaikan dari RM26 ke
RM30 hingga RM33 bagi be-
rat 10 kg itu juga sudah tiba
masanya dilaksanakan se-
lepas 18 tahun harga beras
tidak naik sejak 2006.

Bercakap kepada *Utusan
Malaysia*, Pengerusi Gabu-
ngan Pengilang-Pengilang
Beras Malaysia, Marzukhi
Othman berkata, masalah
ketiadaan bekalan beras
tempatan kebelakangan ini
berpunca daripada tindakan
syarikat-syarikat besar atau
pemborong beras menipu
pengguna dengan menukar
atau mencampur beras tem-
patan dengan import sekali
gus menjual pada harga be-
ras import.

Katanya, langkah terbaik
bagi menyelesaikan masalah
berlarutan itu adalah me-
nyelaras harga dan menetap-
kan satu gred beras sahaja.

Ujarnya, peningkatan
tersebut tidak membeban-
kan pengguna memandang-
kan harga beras 'import'
tersebut jauh lebih mahal
antara RM40 sehingga RM50
bagi 10 kg.

Bersambung di muka 3

Harga beras tidak naik sejak 18 tahun

Dari muka 1

“Sudah tiba masanya harga beras diselaras dengan satu gred sahaja tanpa perlu ada label import dan tempatan itu dilaksanakan. Langkah tersebut mampu menangani isu manipulasi dan penipuan sehingga menjejaskan bekalan beras tempatan di pasaran.”

“Sudah lama harga beras ini tidak naik dengan kali terakhir pada 2006. Industri beras negara terus berkembang dan harga tersebut (RM30) masih lagi relevan dalam situasi semasa ini. Malah, ia jauh lebih murah daripada harga beras ‘import’ yang memonopoli pasaran sejak kebelakangan ini,” katanya.

Kelmarin, *Utusan Malaysia* melaporkan, mesyuarat Khas Majlis Tindakan Sara Hidup Negara (NACCOL) bercadang untuk menyelaraskan harga beras tempatan dan import bagi mengelakkan manipulasi dan menangani isu penipuan dalam industri beras.

Cadangan tersebut bakal menyaksikan harga beras tempatan yang kini dijual di pasaran RM26 bagi setiap 10 kg akan meningkat kepada sekitar RM30 hingga RM33.

Sebelum ini, orang ramai sering mengeluh ketiadaan beras tempatan di pasaran yang terus berlarutan sedangkan Malaysia mempunyai stok bekalan beras sebanyak 900,000 tan iaitu 250,000 tan stok penimbun dan 650,000 tan stok dagangan.

Utusan Malaysia sebelum ini juga pernah melaporkan mengenai kartel atau ‘mafia’ padi yang didakwa dimonopoli empat ke lima syarikat besar sejak sekian lama dan telah mencorak hala



LANGKAH menyelaraskan harga beras tempatan dan import dilihat mampu menyelesaikan masalah bekalan makanan ruji itu.

tuju industri padi negara sehingga tercetusnya isu benih padi yang berlarutan setiap musim serta masalah bekalan beras.

Sementara itu, Marzukhi berkata, apabila penyelarasan tersebut dilaksanakan, kilang-kilang besar ini juga sudah tidak boleh bermain harga belian padi yang kesannya akan menyebabkan pelbagai kos meningkat.

Beliau percaya, menerusi penyelarasan harga tersebut juga bakal menstabilkan kembali harga input pertanian dan kos-kos lain seperti sewaan jentera

dan sebagainya yang selama ini berterusan menekan para pesawah.

“Apabila kilang-kilang besar ini bermain harga belian padi dengan ada yang menetapkan terlalu tinggi akan menyebabkan berlakunya kenaikan lain seperti input pertanian, sewaan jentera, kos-kos racun dan pelbagai lagi berkaitan sawah padi ini.

“Kilang-kilang besar yang juga mempunyai syarikat pemborong beras ini tidak kisah bermain harga kerana mereka boleh manipulasi dengan campuran beras

atau menukar beras tempatan kepada import bagi mengaut keuntungan lebih,” katanya.

Dalam pada itu, katanya, industri beras negara sepatutnya sudah jauh ke depan dengan isu-isu lain seperti kelewatan bekalan benih setiap musim, penjadualan tanaman disebabkan masalah saliran dan lain-lain perlu diselesaikan.

“Saya juga mencadangkan agar bekalan benih padi sah diberikan terus kepada petani bukan lagi melalui pengilang-pengilang ini,” katanya.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE

KPDN



UNIT KOMUNIKASI KORPORAT

BERITA ONLINE BERTARIKH 14 FEBRUARI 2024

TARIKH	TAJUK	PAUTAN	MEDIA
14-Feb	2 pengarah syarikat pengendali umrah tak mengaku gagal patuh TTPM	https://www.hmetro.com.my/amp/mutakhir/2024/02/1060284/2-pengarah-syarikat-pengendali-umrah-tak-mengaku-gagal-patuh-ttpm	HARIAN METRO
14-Feb	Dua pengarah Emraz mengaku tidak salah culas bayar RM503,221	https://malaysiagazette.com/2024/02/13/dua-pengarah-emraz-mengaku-tidak-salah-culas-bayar-rm503221/	MALAYSIA GAZETTE
14-Feb	Dua pengarah Emraz Travel kena dakwa lagi	https://www.kosmo.com.my/2024/02/13/dua-pengarah-emraz-travel-kena-dakwa-lagi/	KOSMO
14-Feb	2 pengarah syarikat pengendali umrah tak mengaku gagal patuh TTPM	https://www.hmetro.com.my/mutakhir/2024/02/1060284/2-pengarah-syarikat-pengendali-umrah-tak-mengaku-gagal-patuh-ttpm	HARIAN METRO
14-Feb	Madu tiruan: KPKM pandang serius pendedahan 'mengejutkan'	https://www.suarakeadilan.my/post/madu-tiruan-kpkm-pandang-serius-pendedahan-mengejutkan	SUARA KEADILAN
14-Feb	Madu tiruan: Kementerian akan lihat dakwaan 'membimbangkan'	https://www.freemalaysiatoday.com/category/bahasa/tempatan/2024/02/12/madu-tiruan-kementerian-akan-lihat-dakwaan-membimbangkan/	FREE MALAYSIA TODAY
14-Feb	Lelaki 'kantoi' cuba seludup diesel	https://www.sabahgazette.com/lelaki-kantoi-cuba-seludup-diesel/	SABAH GAZETTE
14-Feb	Skim Harga Maksimum Musim Perayaan: KPDN Sandakan tidak terima aduan kenaikan harga barang	https://www.dailyexpress.com.my/news/228647/skim-harga-maksimum-musim-perayaan-kpdn-sandakan-tidak-terima-aduan-kenaikan-harga-barang/	DAILY EXPRESS

14-Feb	Kapal berisi diesel bernilai lebih RM900,000 disita	https://mediapermata.com.bn/kapal-berisi-diesel-bernilai-lebih-rm900000-disita/	MEDIA PERMATA
14-Feb	150 mahasiswa KPTM hadiri program KPDN Kuantan	https://www.suarakeadilan.my/post/150-mahasiswa-kptm-hadiri-program-kpdn-kuantan	SUARA KEADILAN
14-Feb	Miliki petrol tanpa lesen: 2 lelaki didenda RM10,000	https://www.sabahgazette.com/miliki-petrol-tanpa-lesen-2-lelaki-didenda-rm10000/	SABAH GAZETTE
14-Feb	Dua lelaki didenda RM10,000 seorang kerana miliki minyak petrol tanpa lesen	https://sabahnewstoday.net/dua-lelaki-didenda-rm10000-kerana-miliki-minyak-petrol-tanpa-lesen/	SABAH NEWS TODAY
14-Feb	Dua pengarah syarikat pengendali umrah tak mengaku gagal patuh TTPM	https://www.astroawani.com/berita-malaysia/dua-pengarah-syarikat-pengendali-umrah-tak-mengaku-gagal-patuh-ttpm-458038	ASTRO AWANI
14-Feb	Dua pengarah Emraz mengaku tidak salah culas bayar RM503,221	https://malaysiagazette.com/2024/02/13/dua-pengarah-emraz-mengaku-tidak-salah-culas-bayar-rm503221/	MALAYSIA GAZETTE
14-Feb	Gagal bayar tuntutan RM503,221, pengarah syarikat umrah mengaku tak salah	https://www.freemalaysiatoday.com/category/bahasa/tempatan/2024/02/13/gagal-bayar-tuntutan-rm503221-pengarah-syarikat-umrah-mengaku-tak-salah/	FREE MALAYSIA TODAY
14-Feb	Jualan murah wajar dimanfaatkan, bantu rakyat depeni kos hidup	https://selangorkini.my/2024/02/jualan-murah-wajar-dimanfaat-dimanfaat-bantu-rakyat-depani-kos-hidup/	SELANGOR KINI